



INSTRUCCIÓN IV/2009 DO XERENTE DA UNIVERSIDADE DE SANTIAGO DE COMPOSTELA POLA QUE SE REGULA A DOTACIÓN DE VESTIARIO PROFESIONAL AO PERSOAL LABORAL DE ADMINISTRACIÓN E SERVIZOS

A disposición adicional quinta do vixente Convenio Colectivo para o persoal laboral da USC establece que en materia de roupa de traballo e vestiario, a Universidade proporcionaralles anualmente aos traballadores as pezas de roupa necesarias para o desenvolvemento das súas funcións. A subministración de vestiario implica o seu uso obrigatorio durante a xornada de traballo.

Co fin de que a dotación e recollida das prendas se leve a cabo coa debida coordinación e puntualidade e, unha vez negociado co Comité Intercentros, o xerente, en uso das competencias atribuídas pola resolución reitoral do 31 de xullo de 2007 (DOG do día 19 setembro), dispón:

1) SOLICITUDE DE PRENDAS DE TRABALLO

A solicitude de prendas de traballo correspondentes ao ano 2009 cubrirase e presentarase persoalmente, no Servizo de Xestión de Persoal (Casa da Balconada, Rúa Nova 6) e na Viceixerencia de Lugo (servizos centrais, Campus Universitario, 27002-Lugo).

Os postos de traballo con dereito a prenda de traballo relacionanse no anexo á presente instrucción.

2) PRAZO DE SOLICITUDE

O prazo de solicitude será dende o 15 de xuño ao 15 de setembro do presente ano en horario de 9 a 14.

3) PROCEDEMENTO

3.1 Ao traballador entregárselle un resgardo selado polo Servizo de Xestión de Persoal ou pola Viceixerencia de Lugo no momento en que presente a solicitude.

3.2 **Os traballadores destinados en Santiago**, deberán acudir co resgardo á Empresa Concesionaria: VESLA, S.L., Avda. Rodríguez de Viguri, 6-8 baixo, Santiago de Compostela, para que esta anote o vestiario solicitado e tome as medidas para a tallaxe das prendas e do calzado.

Os destinados en Lugo serán avisados pola Viceixerencia do día en que a Empresa esprazará a esa cidade.

3.3 O traballador entregaralle o resgado asinado á empresa concesionaria única e exclusivamente no momento de recibir as prendas solicitadas., A perda ou entrega indebida do resgado, quedará baixo a responsabilidade total do traballador solicitante.

4) OBRIGA DE USO DA ROUPA DE TRABALLO

A subministración de vestiario de traballo implica o seu uso obligatorio durante a xornada de traballo.

5) FACTURACION DA EMPRESA CONCESIONARIA

A empresa concesionaria facturará á Universidade os importes correspondentes, acompañando os resgados que deben estar debidamente asinados polos traballadores e co selo do Servizo de Xestión de Persoal ou da Viceexerencia.

En todo o non regulado nesta instrucción estarase ao disposto na xa mencionada disposición adicional quinta do Convenio Colectivo.

Santiago de Compostela, 9 de xuño de 2009

O XERENTE

Pedro García Moreno

